



## Universitätsbibliothek Paderborn

**Johannis Michaelis Dilherri Contemplationes, Et Suspiria  
Hominis Christiani**

**Dilherr, Johann Michael**

**Norimbergae, 1660**

XXXVIII. De peccatorum magnitudine, ac foeditate, & de eorundem  
confessione.

**urn:nbn:de:hbz:466:1-10209**

318 CONTEMPLATIONES  
justitiam : aufer cor durum & saxe-  
num ; & crea in me cor molle & mun-  
dum : ut , adhuc in hac vita , tibi agam  
gratias , alios peccatores fide & vitâ  
meâ ad te adducam ; & , cum Angelis  
tuis , pro hoc & aliis beneficiis innume-  
rabilibus , te celebrem , & glorificem  
in æternum . Amen , Deus meus ! fiat ,  
Jesu Christe ! Domine meus ! fiat !

CONTEMPLATIO-  
NUM ET SUSPIRIO-  
RUM HOMINIS  
CHRISTIANI  
XXXVIII.

*De Peccatorum magnitudi-  
ne ac fœditate ; & de eorum-  
dem confessione.*

**H**Orreo temeritatem meam :  
cùm mecum reproto , qvàm Ma-  
jestatem meis peccatis offenderim :  
cùm considero ; qvàm benignum ac  
mirificum Patrem reliquerim ! Dete-  
stor ingratitudinem meā : cùm anim-  
adverto , à qvàm beata libertate Spi-  
ritus ,

ritus, in qvam miseram servitutem me  
conjecerim.

Damno amentiam meam, totusq;  
mihi displiceo : nec aliud ob oculos  
versatur, nisi Gehenna & desperatio;  
videlicet terrente conscientiam meam  
inevitabili Divinâ justitiâ.

Qvasi *putredo* consumendus  
sum ! Verè *putredo* peccatum est :  
aufert enim animæ decorem vitæ, o-  
dorem famæ, valorem gratiæ, saporem  
gloriæ. Verè *cœnum* est : in quo  
volutatus & probis hominibus, & bo-  
nis Angelis, & justo Deo, redditur ab-  
ominabilis. Verè *fumus* est : ignem  
infernalē haud longè abesse indicans,  
& columbam cœlestem depellens.  
Verè *tabernaDiaboli* est : in qua  
mundo vendit vinum voluptatis, pro  
precio animæ. Verè *sagitta* est :  
qvà anima confoditur, & omni vigore  
ac vitâ privatur. Verè *morbus* est :

O 4                    qvia

320 CONTEMPLATIONES  
qvia sanitatem in carne, à facie iræ Di-  
vinæ, non relinqvit, nec pacem ossi-  
bus concedit. Verè *pelagus* est:  
qvia caput supergreditur, & homi-  
nem facillimè absorbet totum. Verè  
*onus* est: qvia peccator eo maximè  
gravatur, & ad imum usq; barathrum  
detruditur.

Qvò autem me conferam? qvò me  
recipiam?

Miserere mei, ah! miserere mei, se-  
cundùm magnam misericordiam tu-  
am: & secundùm multitudinem mi-  
serationum tuarum dele iniqvitatem  
**meam**.

Tibi, tibi soli peccavi, & malum co-  
ram te feci.

Ecce! in iniqvitatibus conceptus  
sum; & in peccatis concepit me ma-  
ter mea,

Erravi, sicut ovis, qvæ periit: qvære  
ovem perditam, Domine! delicta ju-  
ventutis meæ, & transgressiones meas  
ne memineris, Domine!

Deli-

Di-  
sfi-  
st :  
ni-  
ere  
nè  
im  
ne  
c-  
u-  
i-  
m  
o-  
us  
z-  
e-  
l-  
s-  
s-  
s-

Delicta qvis intelligit? ab occultis  
meis mundame.

Ne intres in judicium cum servo  
tuo: qvia non justificabitur in conspe-  
ctu tuo omnis vivens.

Reminiscere miserationum tuarum,  
Domine! & misericordiarum tuarum,  
quæ à seculo sunt.

Secundùm misericordiam tuam,  
memento mei: propter bonitatem tu-  
am, Domine!

Propter nomen tuum, Domine!  
propitiaberis peccato meo.

Mirifica misericordias tuas; qui sal-  
vos facis sperantes in te.

Ne avertas faciem tuam à me: neq;  
abjicias, in ira tua, servum tuum: qvo-  
niam non est in morte, qui memor sit  
tui; nec in inferno quisquam confite-  
bitur tibi.

Quæ utilitas in sanguine meo? dum  
descendo in corruptionem. Numquid  
gratias aget tibi pulvis, aut annuncia-  
bit veritatem tuam?

Respice & exaudi me, Deus meus!  
illumina oculos meos: ne obdormiam  
in morte. Os Ne

Ne longè facias miferationes tuas  
à me: misericordia tua, & veritas tua  
semper custodiant me. In te, Domi-  
ne! speravi, non confundar in æter-  
num.

CONTEMPLATIO-  
NUM ET SUSPIRIO-  
RUM HOMINIS  
CHRISTIANI

XXXIX.

*De Dei, ad peccata remit-  
tenda promptudine, & pro eo-  
rundem remissione, gratia-  
rum actione.*

**Q**uis desperet ab eo veniam, qui  
in litteris Propheticis toties ul-  
trò invitat peccatores ad pœniten-  
tiā, clamans; se nolle mortem pec-  
catoris; sed magis, ut convertatur &  
vivat?

Tum, quām parata sit apud se veniam  
resipiscētibus, multis parabolis no-  
bis inculcavit, per Unigenitum suum:  
velut